

有聞宜錫恩寵以旌勞動是用進爾階之林郎
錫之勅命以旌爾能其益盡心毋怠厥職稱朕
養民之意欽哉

初任山東青州府樂安縣知縣

二任

今

職

勅曰夫婦人之大倫故朝廷推恩羣臣命必及之
所以重風化厚恩意也爾山東青州府壽光縣
知縣馬亮妻金氏克勤婦道善相其夫夫既顯
榮爾宜偕貴茲特封為孺人服此榮恩永光闈

闈

成化二十二年三月十六日

勅進光祿寺錄事冉紀官階

奉

天承運

皇帝勅曰亨騰之司國家所重故既置卿以領寺而又分幕以備官向匪其人孰能茲任爾光祿寺典簿廳署典簿事錄事冉紀諱秀鄉闈列官卿幕出納有節綜理以時既積年勞宜申恩典茲特進爾階修職佐郎錫之勅命於戲列于庶位固繁簡之各殊欽乃攸司必始終之無替益臻

未效以迓新恩欽哉

弘治十年二月二十五日

勅贈光祿寺典簿冉紀父母

奉

天承運

皇帝勅曰人子報親之志莫切于顯揚朝廷待士之恩莫重于褒錫此古今之著典豈存沒之殊科爾冉志友乃光祿寺典簿廳典簿冉紀之父善行積躬遺經教子顧賢勞之既著乃祿養之久違潛德猶存褒章宜賁茲特贈為徵仕郎光祿

寺典簿廳典簿尚期靈爽益迓寵光

勅曰母德之成義實兼於教育國恩之錫禮特重於褒封肆緣報德之情誕示追崇之命爾王氏乃光祿寺典簿廳典簿冉紀之母生有懿質孺于名門相夫敦勤儉之風教子著賢勞之績祿養既違于三釜褒章宜貫于九原茲特贈為孺人靈爽有知歆承無斁

弘治十五年三月初七日

勅進光祿寺典簿冉紀官階并封妻孺人奉

七卷

十二

天承運

皇帝勅曰光祿之官內庖是掌顧惟典簿之設實專文案之勞亦必得人庶副茲選爾光祿寺典簿廳典簿冉紀儒業起家賢閔育雋首分司于卿寺實佐理于文移久積勤勞遂升今職才既優於綜理志克謹於操持宜有渥恩以示褒勸茲特進爾階徵仕郎錫之勅命爾其益殫乃力益究乃心用酬任使之榮以俟官階之陟欽哉

初任光祿寺典簿廳錄事

二任本廳署典簿事錄事

三任今職

勅曰臣勞于國爵賞之所必加妻相于家褒封之所宜逮茲惟舊典實則茂恩光祿寺典簿廳典簿冉紀妻張氏出自名門嬪于良士儉勤成性禮義持身爰申錫命之榮以著宜家之美茲特封為孺人益勤儉戒用副嘉名

弘治十五年三月初七日

勅進戶部主事馬慎官階并封妻安人

奉

天承運

七卷

十三

皇帝勅曰往制民部金倉度支各有分任今地曹郎皆遍領而交理之欲其總達經程以籌足國裕民之政也爾戶部廣東清吏司主事馬慎以儒科之彥筮職司民克秉恪勤以祗厥服茲以廟典覃恩遂陟爾階承德郎錫之勅命頃者賦減歲而用繁於邊爾尚審於征入之藝而究均節之方協恭畢謀紆朕之慮欽哉

勅曰風雅所歌中閨之德不一而足所以重風化之本也今朕疏禁百職可有遺哉爾戶部廣東清吏司主事馬慎妻魏氏相夫績學策名清時

並錫顯名國有勳典茲封為安人敬助無忘寵
光有繹

嘉靖二十六年七月二十一日

勅贈吏部文選司主事劉大受父母
奉

天承運

皇帝勅曰士有奇負厚蓄而位弗稱其志者則其教
忠之報必顯於嗣人此天道佑善之常即國典
褒崇之義也爾原任震澤巡檢劉鉞乃吏部文
選清吏司主事大受之父慷慨不凡殫毅有立

七卷

十四

再膺冗職並著能聲晚貴立園敦行古道今爾
子蜚英甲第展采天曹爾之教忠不可泯已茲
特贈爾承德郎吏部文選清吏司主事歆茲茂
渥之恩益篤昌隆之祐

勅曰家有嫡母是稱嚴君其成子之恩不但等於
生者而已渙綸敷錫怙恃惟均豈非國家之彝
典哉爾李氏乃吏部文選清吏司主事劉大受
之嫡母淑慎母儀篤培家祚亢宗有子慈訓用
彰而爾享有遐齡及於顯仕恩詔侍養壽考令
終可謂全祉已茲特贈爾安人祇服榮名永光

廟祐

勅曰朕有顯親之心欲達於天下故加恩於諸臣之母而及其所生所以本人情隆世教也爾徐氏乃吏部文選清吏司主事劉大受之生母莊靜有儀柔嘉維則篤生令子效用朕朝而乃躬履壽康茂膺祿養褒章寵異天之祿爾者厚矣茲特封爾安人祗迓鴻恩之賁式增燕喜之休隆慶元年三月初四日

勅進劉大受官階并妻安人奉

七卷

十五

天承運

皇帝勅曰銓部之職論辨官材甄叙流品以贊冢宰均統之治任至重也朕方嘉與爾曹登進賢良以共熙於新政可無恩賚以示眷酬爾吏部文選清吏司主事劉大受器懷端亮學蘊純明早以制科筮仕民省乞歸侍養純孝著聞爰自儀曹簡列銓署而爾律已以嚴守官有恪雖未專乎曹務實有公明敬密之助焉茲屬覃恩特授爾階承德郎錫之勅命夫用人之道權之以才譽易涉於徇名崇之以歲資或入於固滯爾於

斯二者度之宜審矣尚其虛平乃心以為衡鑑
之本俟有專寄母替訓詞欽哉

初任戶部湖廣司主事

二任禮部儀制司主事

三任吏部考功司主事

四任實授今職

勅曰夫國家錫命臣工逮其先室蓋以伉儷之倫
重於伊始而敬助之益憫其弗終厚之至也爾
吏部文選清吏司主事劉大受妻陳氏備德幽
貞克家勤儉相其君子績學成名爾乃中捐良

七卷

〇

十六

可憫悼茲特贈爾安人歆茲休顯之名慰爾服
勤之勤

勅曰古者禮重宗婦故室必有繼所以承先祀理
內治也矧其君子恪職效忠則相成之德又所
當嘉尚者乎爾吏部文選清吏司主事劉大受
繼室周氏夙成淑德克嗣徽音相夫業官義無
內顧爰表從爵之貴宜申褒德之章茲特封爾
安人象服是宜鴻恩未艾

隆慶元年三月初四日

誥贈吏部驗封司員外郎劉大受父母

奉

天承運

皇帝制曰士君子出而効勞于國處而植範于家即未究厥施有令名矣况其後有人乎爾原任震澤巡檢贈承德郎吏部文選司主事劉鈇乃吏部驗封清吏司員外郎大受之父直道而行當官不苟察廉京度課最徼循位不濫才嚴發需子寔佩趨庭之訓為子執秩之臣爾之祿養雖遠而食報則遠矣茲特加贈爾為奉直大夫吏部驗封清吏司員外郎尚欵華典永貴幽扁

七卷

十九

制曰家有主母尊與父敵此以分言者也分不能一勝情於是有劬勞之慕獨鍾於所生者惟賢母孝子為能一之爾贈安人李氏乃吏部驗封清吏司員外郎劉大受之嫡母夙繇女範米嬪令入順以從夫恩能遠下有關睥膠木之風焉及爾嗣立身顯名事居哀往不後本生斯亦可以徵母德矣茲特加贈爾為宜人懿靈不昧愍冊其承

制曰朕錫慶推恩凡茲在廷亦既咸遂其顯親之願矣顧生母之恩於人子甚感不體其私而追

錫之非所以廣孝而勸忠也爾封太安人徐氏
乃吏部驗封司員外郎劉大受之生母婉容馴
行休有淑聲懋敬從夫以及爾嫡家庭宗黨內
外宜之慶澤所鍾是生令子慈齡未艾祿養方
隆茲特加封爾為太宜人祇膺優渥之恩茂介
康寧之祉

隆慶二年四月初十日

誥進劉大受官階并封妻宜人

奉

天承運

七卷

十八

皇帝制曰朕以冊典告成覃恩朝宗惟主爵卽寔辨
叙流品以出入內廷之制令褒賞不可或後也
爾吏部驗封清吏司員外郎劉大受早以經術
登自賢科為母辭榮違有志行已而起家從政
計部儀曹所居穎脫比參華於天署乃益暢于
官評踐更滋多遞遷今秩惟爾滯通之職篤諒
之資冊府彙章考裁維允茲特授爾階奉直大
夫錫之誥命夫國朝封爵之典令人臣得以勸
善推而致之其親教天下以孝也詩不云乎考
子不匱永錫爾類爾之孝可以作類美尚祇率

令典以稱朕孝治天下之意欽哉

初任戶部湖廣清吏司主事

二任禮部儀制清吏司主事

三任吏部考功清吏司主事

四任本部文選清吏司主事

五任本部驗封清吏司員外郎事

六任實授今職

制曰朕觀人臣之室家勤瘁相成于微時而命之不淑者多矣國有褒贈所以嘉死而慰生義至渥也爾吏部驗封清吏司員外郎劉大受妻贈

七卷

合

十九

安人陳氏賦性柔良凝姿端淑作述哲士壺政穆然爾夫力學成名寔資內助胡遽殞棄弗共榮休茲特加贈爾為宜人尚服絲綸之渥永為泉壤之光

制曰教之興始于閨門自古記之矣今端良之士秉德以陪朕而憂不及私者蓋其內有人焉非假表章何以示勸爾吏部驗封清吏司員外郎劉大受繼室封安人周氏夙有令儀恪修壺範事姑鞠子既孝且慈命服既膺不忘儆戒宜均再錫之寵以彰一德之休茲特加封爾為宜人

翟緯增華蘋繁益慎

隆慶二年四月初十日

誥贈吏部文選司郎中劉大受父母

奉

天承運

皇帝制曰人臣移孝為忠克奉其職者必有賢父以教之故勛庸樹于邦國恩數逮于家庭所以答賢勞而酬義訓也爾原任震澤巡檢累贈奉直大夫吏部驗封清吏司員外郎劉鉞乃吏部文選清吏司郎中劉大受之父敏有材諍服在下

七卷

合

三十一

僚德義益修于里居孝廉尤篤于庭訓俾爾子克承善誨著績銓曹似毅有人足繼爾志茲用加贈爾為奉政大夫吏部文選清吏司郎中服此綸章實其廟祐

制曰嫡母齊體于父並稱嚴君其分尊矣矧訓迪之德逾于所生人子欲報之心豈有已哉爾贈宜人李氏乃吏部文選清吏司郎中劉大受之嫡母夙閑內則卓有母儀既敷樛木之仁載篤鴈鳩之愛致有令子尤其家聲慈齡弗遐令德如在茲用仍贈爾為宜人不昧爾靈歆茲異渥

制曰人子服官于朝而逮事其母孰不欲徼恩寵以遂其燕喜之情哉朕體群臣肆有寵命爾封太宜人徐氏乃吏部文選清吏司郎中劉大受之生母柔順正有儀愛而知勞勗成哲嗣官階荐陟祿養方寧宜有綸章以光慈訓是用仍封爾為太宜人尚承冠帔之華永介岡陵之壽

隆慶六年八月二十一日

誥進劉大受官階并妻宜人

奉

七卷

二十一

天承運

皇帝制曰朕纂大承休班命行慶自公卿百執事咸錄其功望而寵嘉之惟我司封職是命數以詔太宰其于恩賚宜有加焉爾吏部文選清吏司郎中劉大受篤行清脩通材敏識往以計部儀曹之考掄屬天官積資遞遷昇之主爵閱歷滋久恭勤不渝秩位叙以正彛章慎錫予以重名器朕茲新政式選爾勞是用實授爾階奉政大夫錫之誥命夫慶施之典與黜陟之法交相輔者也恩之所及使賢者益勸不能者有以自奮

乃可以風勵百司熙亮庶績非公明慎密之士孰與共此往祇乃叙無忘訓詞欽哉

初任戶部湖廣清吏司主事

二任禮部儀制清吏司主事

三任吏部考功清吏司主事

四任本部文選清吏司主事

五任本部驗封清吏司署員外郎事

六任實授本部驗封清吏司員外郎

七任本部考功清吏司員外郎

八任本部文選清吏司員外郎

七卷

九任本部驗封清吏司員外郎

十任本部考功清吏司署郎

十一任實授本部文選清吏司郎中

制曰婦有令德克配君子而不共其榮此人情所
聽也國家舉從爵之章以酬內襄之績不以存
沒間焉爾吏部文選清吏司郎中劉大受妻贈
宜人陳氏淑慎提身恭勤佐內爾夫積學致用
爾與有勞及此顯榮溘焉永逝朕甚憫之茲用
覃恩仍贈爾為宜人爰霽新榮式章往懿

制曰士以才行得至吾銓曹之盛選出有在公之

節而入無返顧之私則其室家之相與知已
國有茂恩以章婦順豈非義哉爾吏部之選清
吏司郎中劉大受繼室封宜人周氏早以士女
嬪于德門克紹前徽以匡內政銓曹之彥克舉
其官爾之助也茲仍封爾為宜人尚思象服之
華益暢鷄鳴之譽

隆慶六年八月二十一日

誥贈山東僉事李松父母
奉

天承運

七卷

二十三

皇帝制曰朕嗣服疏恩因親教愛念吾邊徼馳驅之
士本其庭闈訓育之勞則推封其可後哉爾原
任河南開封府鄆陵縣主簿李准乃整飭遼東
寧前兵備山東按察司僉事松之父習于吏事
佐邑有聲詒謀允臧誕開賢嗣詰戎秉憲茂著
勞能爾之教也是用贈爾為奉政大夫山東按
察司僉事尚服褒章式昭潛德

制曰母氏劬勞人子之念切矣國家追恤之恩視
人子之秩而遞進非以成其志哉爾繳氏乃整
飭遼東寧前兵備山東按察司僉事李松之母

德協柔嘉躬修勤儉亦既有子乃弗永年追惟鞠育之恩爰錫褒崇之寵是用贈爾為宜人懿靈有知歆承無斁

制曰朝廷需慶貽榮緣子貴母以正倫分而答恩勤無先後一也爾王氏乃整飭遼東寧前女備山東按察司僉事李松之繼母相夫克紹乎先徽愛子不殊于已出迨茲榮顯爾乃壽康宜錫嘉名以光慈訓是用封爾為太宜人尚服恩華永綏祿養

隆慶六年十一月二十四日

七卷

一〇

二十四

誥進山東僉事李松官階并封妻宜人

奉

天承運

皇帝制曰朕嗣宅丕基撫有函夏永惟封疆之臣勞于戎事則亦有褒嘉之命以寵綏之示優勸也爾整飭遼東寧前兵備山東按察司僉事李松器識端純才資敏茂以夏官之彥掄授外臺而訓兵簡嚴蒞事申明允爾茲在列朕遣覃恩用授爾階奉政大夫錫之誥命今遠鎮自督撫而下將士所凜畏者無若臬司治兵之臣良亦重矣

服茲新命益懋多功欽哉

制曰君子于役靡有室家則其賢可知也朕推恩疆圉之吏伉儷同之豈非義哉爾整飭遼東寧前兵備山東按察司僉事李松妻裴氏夙閑姆訓恪秉婦儀克相爾夫宣勞外服允有華問已是用封爾為宜人祇荷廷綸益敦壺範

隆慶六年十一月二十四日

勅贈鴻臚寺司賓署署丞劉佑父劉滿奉

天承運

七卷

八〇

二十五

皇帝勅曰朕嘉人臣奉職之勞則必念其體親之念自一命而上皆得以移榮于其親茲崇孝勸忠之大典也爾劉滿乃鴻臚寺司賓署署丞劉佑之父孝弟力田鄉閭推重優游壽考式穀後人典客宣勞有徵餘慶茲用移贈爾為登仕郎鴻臚寺司賓署署丞欽寵錫于綸音垂休光于泉壤

萬曆六年五月十一日

勅贈

泰陵衛經歷司經歷劉永寧父母

奉

天承運

皇帝勅曰人臣之恪職雖其所自樹亦必有庭訓焉此國家所以有勲恩也爾劉鑣乃

泰陵衛經歷司經歷永寧之父涉世無營積善有慶爰啓令子効勞清時茲特贈爾為徵仕郎

泰陵衛經歷司經歷渙矣絲綸光其泉壤

勅曰欲報之德昊天罔極人子於父母均也疏宗並逮於禮為宜爾季氏乃

泰陵衛經歷司經歷劉永寧之母婉有令德丕著

七卷

二十六

母儀勗子能官嗟爾不祿茲特贈爾為孺人式賁幽泉益昌後祚

萬曆九年五月十五日

勅授劉永寧徵仕郎并妻孺人

奉

天承運

皇帝勅曰朕優上計之臣自一命以上不忘寵褒况有事

寢園其曷可後爾

泰陵衛經歷司經歷劉永寧發身從事列屬戎麾